

Vorrede auff das alte Testament.

newe Testament er aus fließt vnd drein gegründet ist / wie wir gehört haben. Aber doch ein kleins kurtzes Griffün zu geben / den jenigen / so gnade vnd verstand haben / weiter darnach zu trachten / sey das mein Dienst.

Christus ist der
rechte Hohepries-
ter / Opffer / Alt-
tar etc.

Wenn du wilt wol vnd sicher deuten / So nim Christum für dich / Denn das ist der Man / dem es alles vnd gantz vnd gar gilt. So mache nu aus dem Hohenpriester Aaron niemand denn Christum alleine / wie die Epistel an die Hebrer thut / welche fast alleine gnugsam ist / alle figur Mose zu deuten. Also ist auch gewis / das Christus selbs das Opffer ist / ja auch der Altar / der sich selbs mit seinem eigen Blut geopfert hat / Wie auch die selb Epistel meldet. Wie nu der Leuitische Hohepriester / durch solch Opffer nur die gemachten sünde wegnam / die von natur nicht sünde waren / Also hat vnser Hohepriester Christus / durch sein selbs Opffer vnd Blut / die rechte sünde / die von natur sünde ist / weggenommen. Vnd ist ein mal durch den Vorhang gegangen zu Gott / das er vns versüne. Also / das du alles / was vom Hohenpriester geschrieben ist / auff Christum persönlich / vnd sonst auff niemand deutest.

Söhne des Hohen-
priesters.

Aber des Hohenpriesters Söhne / die mit dem teglichen Opffer umbgehen / soltu auff vns Christen deuten / die wir für vnserm Vater Christo im Himel sitzend hie auff Erden mit dem leibe wonen / vnd nicht hin durch sind bey jm / on mit dem glauben geistlich. Derselben Ampt / wie sie schlachten vnd opffern / bedeut nichts anders / denn das Euangelium predigen / Durch welchs der alte Mensch getödtet vnd Gott geopfert / durchs feur der liebe / im heiligen Geist verbrand vnd verzert wird / Welchs gar wol reucht für Gott / das ist / es macht ein gut / rein / sicher

Deutung des
schlachten vnd
opffers im alten
Testament.

Gewissen für Gott. Diese deutung trifft S. Paulus Rom. xij. da er leret / wie wir vnser Leibe sollen opffern Gott zum lebendigen / heiligen / angenehmen Opffer. Welchs wir thun (wie gesagt) durch stettige vbung des Euangelien beide mit predigen vnd glauben. Das sey dis mal gnug zur kurtzen anleitung / Christum vnd das Euangelium zu suchen im alten Testament.

Bücher

Genesis, Exo. Leuit. Numerorum, Deuteronomij :
Iosue Judicium Ruth Regum Paralip. Esdra,
Tobias, Judith, Esther Job Davidicus q
Prouerb. Ecclesiast. Cantat. Sapit. Ecclesiastes.

Verfasser
zu D. Latinijs
B. Ball.